

Mann funnet blodig på Åndalsnes

EN MANN BLE SENDT TIL ST. OLAVS HOSPITAL I TRONDHEIM ETTER AT HAN BLE FUNNET BLODIG I ÅNDALSNES SENTRUM NATT TIL SØNDAG.

RENATE GILDE

renate.gilde@r-b.no

RAUMA: Litt før klokka 02.30

natt til søndag så ei kvinne at en mann falt om i sentrum av Åndalsnes.

– Han reiste seg, før han falt om igjen. Han blødde og var ikke kontaktbar, forteller Leif Bergem-Ohr i politiet til Rbnett.

Ambulansepersonell ga mannen førstehjelp før han ble

flydd til St. Olavs Hospital i Trondheim.

– Vi vet ikke hva som har skjedd med mannen, så vi etterforsker saka i tilfelle han er voldsutsatt. Foreløpig er det ikke noe som tyder på det, forteller Bergem-Ohr. Mannen er i 40-åra.

Politiet ønsker tips i saka.

To til sjukehus etter kollisjon

FRÆNA: Ei kvinne og en mann, begge i midten av 20-åra, ble ifølge politiet sendt til sjukehuset i Molde for sjekk etter ei trafikkulykke ved Indre Stavika i Fræna lørdag ettermiddag. Kvinnen bremset ned for å svinge av fv664, og bilisten bak rakk ikke å stoppe.

– Begge var oppgående og bevisste, men ble brakt til sjukehus for sjekk, sier operasjonsleder Frode Gjøsund til Rbnett. Vegen var delvis sperra i en kort periode.

Politiet oppretter sak.

Press på matjorda

Ikkje lett å vere bonde i byen med press frå mange kantar

Presset på nedbygging av matjord er stort, ikkje minst i bynære område. Det har Wollert Danckert Krohn og Øystein Solli i Molde fått merke.

OLAV SKJEGSTAD

olav.skjegstad@r-b.no

GJERMUNDNES: Laurdag deltok dei på den årlege jordvernkonferansen på Gjermundnes, der dei fortalte om sine erfaringar om korleis det er å drive bynært landbruk under tittelen «Bybonde i nedbyggingsland».

Wollert Danckert Krohn er nærmeste nabo til flyplassen på Årø med dei utfordringar dette fører med seg, ikkje minst når det gjeld krav til sikkerheitssone. I tillegg kjem planane om ny E 39, som kan bandlegge store område.

Mange interesser. – Eg er under press frå fleire kantar; Avinor, kommunen, fylkeskommunen og Statens vegvesen, seier Krohn.

Øystein Solli får nyvegen til det nye sjukehuset på Hjelset gjennom garden sin. Med dagens planar vil det gå med mykje dyrka mark. Solli har foreslått alternativ trasé med tunnel for å spare matjord, utan å bli høyrt.

– Sjukehuset er inga lykke for jordvernet, og arkeologien seinkar våronna, sa Øystein Solli. Møre og Romsdal er i landstoppen i forhold til å ta i bruk dyrka jord til andre formål. Berre i løpet av dei siste åra er dyrka jord på storleik med 380 fotballbaner tatt i bruk til andre formål enn jordbruk på Nordvestlandet.

Med dette som bakteppe inviterte styreleiar Kolbjørn Gaustad i organisasjonen Jordvern Møre og Romsdal til konferanse. Fylkesmannen, landbruksmuseet og bondeorganisasjonen var medarrangørar. Rundt 30 personar deltok.

Veg kontra matjord. Store utbyggingsprosjekt tar ofte mykje matjord. Statens vegvesen er ein av dei storforbrukarane. Avdelingsdirektør Ole Syltebø i Statens vegvesen orienterte om



Bønder i byen: Øystein Solli (t.v.) og Wollert Danckert Krohn driv gardsbruk nær byen og merkar presset på arealet. Stortingsrepresentant Pål Farstad (V) orienterte om lovverket rundt jordvern.

BEGGE FOTO: OLAV SKJEGSTAD

planane for ny veg mellom Molde og Ålesund i samband med utbygging av Møreaksen. Bestillinga frå regjeringa går ut på å planlegge ein firefelts veg bygd for 110 km/t. Den blir 20 meter brei pluss gang- og sykkelveg, og vil legge beslag på 200 dekar dyrka jord i Vestnes i anleggsfasen. Ole Syltebø ser interessekonflikta.

For billeg? – Vi må leve med mange målkonflikta. Dårleg drivne areal er lettare å ta. Er jorda for billeg? spurte Ole Syltebø.

Nei, meiner Øystein Solli. Men det spørst kva slags eigedom det er snakk om.

– Når det gjeld prisen på jord på bruk under grensa for konsejsjonsplikt, er ikkje jorda for billeg. Men når ein tar jord frå konsejsjonspliktige eigedommar, er prisen ofte berre ein brøkdel, sa Øystein Solli.

Programleiar Bjørn Steinar Skarbø lurtar på om det er politiske vilje til ein nullvisjon for å ta matjord til andre formål, men det er ikkje realistisk, svara stor-



Bonde under press: Wollert Danckert Krohn opplever press frå fleire kantar på jorda på Årø.

tungsrepresentant Pål Farstad (V).

Styreleiar Kolbjørn Gaustad er fornøgd med engasjementet rundt konferansen, som han

håpar skal bli eit årvisst innslag.

– Vi må ta vare på den matjorda vi har. Sjølvforsyningssgraden er låg og vi skal produsere meir mat.

Då må vi ikkje tillate at god matjord blir bygd ned, seier Kolbjørn Gaustad til Romsdals Budstikke.